



**PREPORUKE
PRAVNIM I FIZIČKIM LICIMA
ZA PREDUZIMANJE PREVENTIVNIH MJERA ZAŠTITE I SPAŠAVANJA OD SNIJEŽNIH
PADAVINA I JAKOG VJETRA**

Obzirom, da se prema prognozama Federalnog hidrometeorološkog zavoda BiH, za dane vikenda očekuje pogoršanje vremenskih prilika na području Kantona Sarajevo, koje će biti praćeno obilnijim sniježnim padavinama (izgledno je formiranje novog sniježnog pokrivača u visini od 15 do 35 centimetara), kao i padom temperature zraka, te da je za početak naredne sedmice (ponedjeljak i utorak) izdato crveno upozorenje za jaki olujni vjetar sa izglednim orkanskim udarima za područje cijele Bosne i Hercegovine, preporučujemo svim pravnim i fizičkim licima da preventivno radi zaštite zdravlja i života ljudi, te materijalnih i kulturnih dobara **ODMAH** preduzmu preventivne mjere koje su im propisane Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), a posebno mjere koje se odnose na:

- obavezu pravnih lica da u skladu sa svojim planskim dokumentima iz oblasti zaštite i spašavanja pravovremeno pripreme svoje organizovane snage civilne zaštite (štabove, jedinice i povjerenike civilne zaštite), kao i da te snage opreme sa potrebnom opremom i sredstvima za efikasno i brzo reagovanje na najavljene prirodne i druge nesreće;
- obavezu fizičkih lica za provođenje lične i uzajamne zaštite građana, kao najmasovnijeg oblika pripremanja i organizovanog učešća građana u zaštiti i spašavanju ljudi i materijalnih dobara od prirodnih i drugih nesreća.

Posebno apelujemo na pravna lica koja imaju potpisane sporazume, odnosno ugovore sa svim nivoima vlasti (općine, Kanton Sarajevo, Federacija BiH), da pripreme adekvatnu mehanizaciju i da na vrijeme reaguju na najavljene sniježne padavine, kao i na sva pravna i fizička lica, da na vrijeme preduzme potrebne mjere na uklanjanju snijega, skidanja leda i ledenica, a koje su im propisane Zakonom o komunalnoj čistoći („Službene novine Kantona Sarajevo“, br. 14/16, 43/16 i 19/17) i Zakonom o upravljanju zajedničkim dijelovima zgrade („Službene novine Kantona Sarajevo“, broj 19/17).

DIREKTOR

Samir Džihić

